

**ՄԱԿԱՐ ԵԿՄԱԼՅԱՆԸ  
ԹԻՖԼԻՍԻ ԵՐԱԺՇՏԱԿԱՆ ՌԵՍՈՒՄՆԱՐԱՆՈՒՄ**

Արվեստագիտ. դպրոցի Մ. Հ. ՄՈՒՐԱԿՅԱՆ

Հայ ազանավոր կոմպոզիտոր Մակար Եկմալյանի գիտական կենսագրությունը դեռևս գրված չէ։ Դրան մեծապես խանգարում է փաստական նյութի պակասը։ Մեր երաժշտագիտությունը շատ անելիքներ ունի նման նյութերի հավաքման և չպարզաբանված հարցերի ուսումնասիրության ուղղությամբ։ Այդպիսի հարցերից է նաև Եկմալյանի աշխատանքը Թիֆլիսի երաժշտական ուսումնարանում։ Այն կարճատև եղավ, տեղի ընդամենը մեկ ուսումնական տարի։

Ներկա հոդվածի նստատեղի է փորձել արխիվային նոր փաստաթղթերի հիման վրա պարզաբանել Եկմալյանի կենսագրության մեջ մութ մնացած այդ խնդիրը։

\* \* \*

Երաժշտական բարձրագույն կրթություն ստանալուց հետո Եկմալյանը մնաց Պետերբուրգում և ղեկավարում էր տեղի հայկական եկեղեցու երգչախումբը, բայց այդ նրան բավարարել չէր կարող և նա փնտրում էր գործունեության ավելի լայն ասպարեզ։ Նա ցանկանում էր իր գործունեությունը ծավալել հայաշատ կենտրոններից մեկում, զբաղվել մանկավարժական ու ստեղծագործական աշխատանքով, իր ստացած գիտելիքները ներդնել հայրենի երաժշտական մշակույթի զարգացման գործում։

Հրավեր ստանալով Թիֆլիսի Ներսիսյան դպրոցի ղեկավարությունից՝ ստանձնել դպրոցի երաժշտության դասերը և ղեկավարել դպրոցական երգչախումբը, Եկմալյանն ընդունեց այն և 1891 թ. սեպտեմբերից անցավ աշխատանքի։ Թե որքան նշանակալից էր նրա աշխատանքը Ներսիսյան դպրոցում, կարելի է տեսնել թեկուզ և այն փաստից, որ Ներսիսյան դպրոցի երգեցիկ խումբը մի քանի տարում փաստորեն դարձավ հայ անդրանիկ պրոֆեսիոնալ երգչախումբը, որի կատարողական արվեստը հռչակվեց ամբողջ Անդրկովկասում և ընդհանրապես հայ իրականության մեջ։ Բացի այդ, նրա ձեռքի տակ դաստիարակվեցին և հետագայում որպես երաժշտական գործիչներ հռչակվեցին Ա. Շահմուրադյանը, Տ. Նալբանդյանը, Շ. Տալյանը, Ա. Մայիլյանը, Ա. Տեր-Հովհաննիսյանը, Ա. Մանուկյանը, Մ. Աղայանը և շատ ուրիշներ։

Սակայն այդ բոլորով հանդերձ Եկմալյանը հոգեպես բավարարված չէր։ Նրա հնարավորություններն ու կարողությունն ավելի մեծ էին, քան դրանց գործադրման սահմանները։ Թիֆլիսի պայմաններում, ուր գոյություն ունեւ երաժշտական ուսումնարան, նա կարող էր օգտակար լինել նաև մասնագիտական երաժշտական ուժերի պատրաստման գործում։ Դրանում համոզված էին այնպիսի նշանավոր գործիչներ, ինչպիսիք էին Ա. Գ. Ռուբինշտեյնը և Պ. Ի. Զալկովսկին, որոնք իրենց հանձնարարական նամակներով ցանկանում

էին օգնել Եկմալյանին այդ բանում<sup>1</sup>։ Հատկապես նշանակալից էր այն, որ Պետերբուրգի կոնսերվատորիայի ռեկտոր, դաշնակահար-կոմպոզիտոր Ա. Բ. Ռուբինշտեյնը հատուկ նամակով դիմել է Ռուսական կայսերական երաժշտական ընկերության Թիֆլիսի բաժանմունքի գիրեկցիային՝ խնդրելով տեղեկություններ հաղորդել այն մասին, թե երաժշտական ուսումնարանում արդյոք չկա՞ն ազատ տեղեր երաժշտության տեսության, երգչախմբի և նվագախմբի ղեկավարության գծով։

Թիֆլիսի բաժանմունքի գիրեկցիան՝ հանձին Ի. Ե. Փիթոեի և երաժշտական ուսումնարանի ղեկավարությունը՝ հանձին կոմպոզիտոր Մ. Իպոլիտով-Իվանովի դրականորեն վերաբերվեցին այս հարցին, և 1893 թ. մայիսի 15-ին Եկմալյանը հրավեր ստացավ՝ ստանձնել Թիֆլիսի երաժշտական ուսումնարանի վերատեսչի և երաժշտական-տեսական առարկաների դասատուի պաշտոնները։ Ռուսական երաժշտական ընկերության Թիֆլիսի բաժանմունքի գիրեկցիան երեք տարվա ժամկետով նրա հետ պայմանագիր կնքեց, և 1893 թ. նոյեմբերի 1-ից Եկմալյանն անցավ աշխատանքի։

Սակայն նոր ուսումնական տարվա նախօրյակին, ամռան ամիսներին, տեղի ունեցան մի շարք դեպքեր, որոնք բարդացրին իրադրությունը և Եկմալյանի գործունեության ծավալման համար ստեղծեցին աննորմալ պայմաններ։ Մամուլում, հատկապես Պետերբուրգի «Извое время» թերթում, տպագրվեց մի նաւակ Veritas ծածկանվան տակ, որի մեջ Թիֆլիսի երաժշտական ուսումնարանի գիրեկտոր Իպոլիտով-Իվանովը մեղադրվում էր ուսանողներին պարտադիր կարգով Թիֆլիսի արտիստական ընկերության օպերետային ներկայացումներին մասնակից դարձնելու, դրանով իսկ ուսումնարանի քայքայման պատճառ դառնալու և այլ հարցերում։ Այս հոգվածը իր սուր ծայրով ուղղված էր Ռուսական երաժշտական ընկերության Թիֆլիսի բաժանմունքի (առաջին հերթին նախագահ Ի. Ե. Փիթոեի) և երաժշտական ուսումնարանի գիրեկտոր Իպոլիտով-Իվանովի դեմ։

Նորապես վերավորված այդ հոգվածից և իրենց մասին բաղաբոմ տարածված բամբասանքներից, ինչպես Փիթոեը, նույնպես և Իպոլիտով-Իվանովը թողնում-հեռանում են ասպարեզից։ Փիթոեը հրաժարվում է Ռուսական երաժշտական ընկերության Թիֆլիսի բաժանմունքի գիրեկցիայի նախագահի պաշտոնից, իսկ Իպոլիտով-Իվանովը տեղափոխվում է Մոսկվայի կոնսերվատորիա։ Կանոնադրության համաձայն, ուսումնարանի գիրեկտորի պարտականությունները մեխանիկորեն դրվում են Եկմալյանի վրա՝ մինչև նոր գիրեկտորի նշանակումը։

Այսպիսով, դեպքերի բերմամբ, Եկմալյանը փաստորեն մնում է մենակ և ուսումնարանի ղեկավարության ամբողջ պատասխանատվությունն ընկնում է նրա վրա։

Եկմալյանն իրեն հատուկ բարեխղճությամբ ու եռանդով գործի է անցնում։ Ամենից առաջ նա ձգտում է ամբողջ ուսումնական աշխատանքը տանել նախ-

<sup>1</sup> Այս մասին նշված է Եկմալյանի գիմումի մեջ, ուղղված Ռուսական կայսերական երաժշտական ընկերության նախագահին, գրված 1894 թ. օգոստ. 25-ին։ Տե՛ս Լենինգրադի Գալառային պատմական արխիվ, ֆ. 408, գ. 314, թ. 88։ Ա. Գ. Ռուբինշտեյնի հանձնարարական նամակի լուսանկար պատճենը տե՛ս Ե. Չարենցի անվ. գրականության և արվեստի թանգարանում, ֆ. 5։



կին նորմալ հունով, բարելավել աշակերտների հաճախումները, հատուկ ուշադրություն է դարձնում դասատուների և աշակերտների փոխհարաբերության հարցերին, ցուցաբերում է խստապահանջություն թե՛ դասատուների, և թե՛ աշակերտների նկատմամբ։ Այս ամենի շնորհիվ ուսումնական տարին հաջողությամբ ավարտվում է։ Եվ չնայած եռակի ծանրաբեռնվածությանը և իր համար անսովոր վարչական աշխատանքին, նա պատվով է դուրս գալիս։ Այդպես էլ ամեն ինչ բարեհաջող կանցնեք, եթե տարվա ընթացքում տեղի չունենային մի բանի դեպքեր և պատճառ չդառնային հարաբերությունների սրմանը նրա և Ալիխանովի միջև։

Որո՞նք էին այդ դեպքերը և ի՞նչ առնչություն ունեին Եկմալյանի հետ։

Ինչպես արդեն վերը տեսանք, Veritas-ի հարվածը իր նպատակին հասավ և ղեկավոր արգելքները վերացան՝ Փիթոնն ու Իպոլիտով-Իվանովը հեռացան։ Սակայն այդ բավական չէր։ Փիթոնի հեռանալուց հետո Ալիխանովը միջոցներ է ձեռնարկում, որպեսզի ոչ միայն ապահովվի իր վերադարձը Թուսական երաժշտական ընկերության Թիֆլիսի բաժանմունքի գիրեկցիայի նախագահի պաշտոնում, այլև այն վերածվի հանդիսավոր ցույցի ընդդեմ նախկին գիրեկցիայի։ Նա կազմակերպում է ընկերության մեջ նոր անդամների ընդունելություն հատկապես այն մարդկանցից, որոնք անվերապահորեն լավ էին տրամադրված իր նկատմամբ և իր ընկեր Ա. Օ. Միզանդարիի միջոցով սկսում է նախապատրաստել ընկերության հին անդամներին։ Վերջինս դիմում է նաև Եկմալյանին՝ հորդորելով նրան անպայման քվեարկել Ալիխանովի օգտին։ Եկմալյանը պատասխանում է, թե ինքը ոչնչով դեմ չէ Ալիխանովի ընտրությանը, բայց եթե ինքը քվեադրվի նրա օգտին, դա կդիտվի որպես ցույց նախկին գիրեկցիայի դեմ, մինչդեռ ինքն այդպիսի բան չէր ցանկանա, բանի որ իր հարաբերությունները նախկին գիրեկցիայի հետ եղել են նորմալ-բարեկամական։ Եկմալյանի այսպիսի պատասխանը դուր չի գալիս Ալիխանովին։ Դրա հետևանքով կողմերի միջև հարաբերությունները դառնում են չոր ու պաշտոնական։ Մի այլ դեպք լրացնում է թերին և նրանց միջև եղած հարաբերություններն ստանում են թշնամական բնույթ։ Նույն Միզանդարին կազմակերպում է Ալիխանովին ուղղված ռեպրիզ մի դիմում, որի մեջ Երաժշտական ուսումնարանի դասատուները դիմում էին նրան, խնդրելով գալ և կործանումից փրկել ընկերությունն ու երաժշտական ուսումնարանը։ Եկմալյանը կտրականապես հրաժարվում է այդ դիմումի տակ ստորագրելուց, պատճառաբանելով, որ ուսումնարանը ենթակա է Երաժշտական ընկերության բաժանմունքի գիրեկցիային և ուսումնարանի դասատուներն իրավունք չունեն որևէ մեկին հրավիրել գիրեկտորի պաշտոնի, բացի այդ, ուսումնարանը բոլորովին էլ աղետալի վիճակում չէ և կարիք չունի նման փրկարարի։ Պարզ է, որ Եկմալյանի այս պատասխանը նույնպես դուր չի գալիս դիմումի կազմակերպիչներին։

Դեպքերի բերումով Թուսական Երաժշտական ընկերության Թիֆլիսի բաժանմունքի գիրեկցիայի նախագահ է ընտրվում նույն Միզանդարին, իսկ գիրեկցիայի կազմի մեջ՝ Կ. Մ. Ալիխանովի կողմնակիցները մեծամասնություն են կազմում։ Եվ ահա, օգտվելով Եկմալյանի հետ կնքված պայմանագրի վեցերորդ կետից, ըստ որի՝ «եթե գիրեկցիան առաջին տարվա ընթացքում կգտնի, որ ես, Եկմալյանս, չեմ բավարարում պայմանագրի բոլոր պահանջներին, ապա գիրեկցիան աղատ է ինձ մերժել և ներկա պայմանագիրը համարել չեղ-

յալ»<sup>2</sup>, — երաժշտական ընկերության Թիֆլիսի բաժանմունքի գիրեկցիան 1894 թ. մայիսի 29-ի իր նիստում որոշում է ընդունում Եկմալյանին ազատել թե՛ ուսումնարանի գիրեկտորի, թե՛ վերատեսչի, և թե՛ դասատուի պաշտոնից<sup>3</sup>։ Հետաքրքիր է այն, որ այս որոշման մասին նույն օրն ևս չհայտնվում է Եկմալյանին՝ առանց ազատման վերաբերյալ որոշման որևէ հիմնավորման ու պատճառաբանության։ Դիրեկցիայի անդամներից միայն Օպոչինինն է մնում առանձին կարծիքի և Եկմալյանի ազատումը որակում է որպես «կուսակցական կրքերի» հետևանք։ Այս հարցի մասին նա ոչ միայն հանդես է գալիս մամուլում<sup>4</sup>, այլև հատուկ ղեկուցագիր է ուղարկում Պետերբուրգ, Ռուսական կայսերական երաժշտական ընկերության գլխավոր գիրեկցիային։ Այդ ղեկուցագրի մեջ Եկմալյանի մասին կարդում ենք.

«Վերն արդեն ասվեց, թե ինչ պայմաններում նախկին գիրեկցիայի կողմից Եկմալյանը հրավիրվեց վերատեսչի պաշտոնի։ Նրա հետ պայմանագիր կնքվեց երեք տարով։ Իսկուխտով-Իվանովի նման փորձված գիրեկտորի ղեկավարությամբ իբրև վերատեսուչ աշխատելու փոխարեն, բախտը, ինչպես այդ երևում է վերը շարադրվածից, պարոն Եկմալյանին դրեց ուսումնարանի գլուխը որպես գիրեկտորի պաշտոնակատար, այն էլ վերը նշված բոլոր թյուրիմացությունների ծագման շրջանում։ Այնուամենայնիվ, այդ սեղոնում ուսումնարանում ուսումնական գործն ընթացավ հաջող, իսկ վերատեսչի պաշտոնում պ. Եկմալյանը ցուցաբերեց օրինակելի բարեխղճություն և էներգիա, ուսումնարանի կարգապահությունը դնելով անհրաժեշտ բարձրության վրա։ Ո՛չ գիրեկտորի պաշտոնակատարի, և ո՛չ էլ վերատեսչի պաշտոնի կապակցությամբ պ. Եկմալյանը տարվա ընթացքում գիրեկցիայի կողմից ոչ մի դիտողություն չի ստացել։ Չնայած դրան, գիրեկցիան իր 1894 թ. մայիսի 29-ի նիստում որոշեց պ. Եկմալյանին ազատել վերատեսչի պաշտոնից և դադարեցնել նրա հետ կնքված պայմանագրի հետագա գործողությունը՝ նրան համարելով անընդունակ պայմանագրով իր վրա վերցրած պարտավորությունների կատարման համար։ Այս որոշումն ընդունվեց պ. պ. Միդանդարիի, Կ. Մ. Ալիխանովի, Վ. Դ. Կորզանովի և թեկնածու Թամամշևի ձայների մեծամասնությամբ... Ընդդեմ Օպոչինինի ձայնի, որն արձանագրել տվեց իր առանձին կառնիք՝ Եկմալյանի ազատումը համարելով կուսակցական անարդարության մի ակտ (ընդգծված է կարմիր մատիտով — Մ. Մ.)։ Եթե նկատի ունենանք վերը շարադրվածը և հիշենք, որ Եկմալյանը հանդիսանում է ընդհանրապես հին գիրեկցիայի և մասնավորապես Իսկուխտով-Իվանովի ընտրյալը և որ նա հրաժարվեց ստորագրել պ. Ալիխանովին ուղղված դիմումը, ապա դժվար չէ հասկանալ, որ նրա ազատումը շուներ իրավական՝ նկատի ունենալով պայմանագիրը, և ոչ էլ որևէ այլ արդարացիություն. ընդհակառակը, անկասկած պարունակում է միայն կուսակցական կրքերի նշաններ։ Այս ակտը անարդարացի լինելուց բացի, իսկապես հանդիսանում է չափազանց անդուլտ, բանի որ Եկմալյանի, որպես պրոֆեսիոնալ արվեստագետի վրա հավիտենապես դնում է խոտանվածի կնիք,

<sup>2</sup> Государственный исторический архив Ленинградской области, ф. 408, г. 314, л. 93.

<sup>3</sup> Նույն տեղում, թ. 86.

<sup>4</sup> Տե՛ս «Три письма в редакцию», տպագրված Թիֆլիսի «Новое Обозрение» թերթի 1894 թ. փետրվարի 11-ի (№ 3482), փետրվարի 12-ի (№ 3483) և փետրվարի 13-ի (№ 3484) համարներում։



որը կարող է նրան զրկել մի կտոր հացից: Մենք կարծում ենք, որ գլխավոր գիրեկցիան չի կարող հանդուրժել նման կամայականություն իր բաժանմունքներից մեկի կողմից մի մարդու նկատմամբ, որն ունի Պետերբուրգի կոնսերվատորիայի դիպլոմ, քանի որ պ. Եկմալյանի կողմից իր իրավունքների վերականգնումը դատական կարգով կստեղծի իսկապես սկանդալային պրոցես, որովհետև չի կարելի պայմանագրային ժամկետից շուտ և այն էլ առանց պատճառաբանության, միայն անընդունակության պատրվակով, ազատել մեկին, որն իր մի տարվա ծառայության ընթացքում նույն գիրեկցիայից չի ըստացել և ոչ մի դիտողություն»<sup>5</sup>:

Եկմալյանի վրա հատկապես շատ էր ազդել այս վերջին հանգամանքը: Մի ամբողջ տարի նա անձնվիրաբար աշխատել էր Թիֆլիսի երաժշտական ուսումնարանում՝ իր վրա կրելով վարչական և ուսումնական աշխատանքի ծանրությունը, ամբողջ ակադեմիական տարվա ընթացքում չէր ստացել ոչ մի դիտողություն, և, ընդհակառակը, լսել էր միայն գովասանքներ իր հասցեին: Այս ամենից հետո նրա համար իբրև մեծագույն վիրավորանք հնչեց Ռուսական կայսերական երաժշտական ընկերության Թիֆլիսի բաժանմունքի գիրեկցիայի 1894 թ. մայիսի 29-ի որոշումն իր ազատման մասին: Եվ նա ամեն կերպ աշխատում էր հասնել այդ որոշման վերացմանը և իր ոտնահարված իրավունքների վերականգնմանը: Նա մի քանի դիմում գրեց Ռուսական կայսերական երաժշտական ընկերության գլխավոր գիրեկցիայի անունով, նույնիսկ մեկնեց Պետերբուրգ, որպեսզի տեղում անձամբ զբաղվի այդ հարցի վերանայման գործով: 1895 թ. հունվարի 4-ի իր դիմումի մեջ Եկմալյանը գրում էր.

«Նոր ադմինիստրացիայի այդպիսի անսանձ կամայականությունը՝ խորապես վիրավորական իմ պատվի և Ռուսաստանի բարձրագույն երաժշտական հաստատության կողմից դիպլոմավորված արվեստագետի համբավի համար, ես չեմ կարող թողնել անուշադիր: Մինչև այժմ էլ գտնվելով ինձ հասցրած վիրավորանքի ճնշող տպավորության տակ, ես, դարձյալ Կովկասից Պետերբուրգ գալով, դիմում եմ գլխավոր գիրեկցիայի լուսավորչալ աջակցությանը՝ խոնարհաբար խնդրելով վերականգնել ոտնահարված իմ պատիվը և վերադարձնել ուսումնարանի ինսպեկտորական մասի ղեկավարման իմ պարտականություններն ըստ պայմանագրի»<sup>6</sup>:

Վերջ ի վերջո Եկմալյանին հաջողվեց հասնել գործի վերանայմանը: Ռուսական կայսերական երաժշտական ընկերության գլխավոր գիրեկցիան, 1895 թ. փետրվարի 24-ի նիստում քննության առնելով նրա դիմումը, ընդունեց հետևյալ որոշումը.

«Նկատի ունենալով այն, որ գիրեկցիան պ. Եկմալյանին ազատել է ուսումնարանի վերատեսչի պաշտոնից, ինչպես եռուում է պ. Եկմալյանի՝ գիրեկցիային գրած հայտարարությունից, իր հետ կնքված պայմանագիրը խախտելով և իր գործունեությունն ընդհանուր բնորոշմամբ անբավարար համարելով, ընդ որում այդ բանը ոչ մի տվյալով ու պատճառներով չհիմնավորելով, — պահանջել գիրեկցիայից ներկայացնել բացատրություն արձանագրու-

<sup>5</sup> Ռուսական կայսերական երաժշտական ընկերության (ИРМО) Թիֆլիսի բաժանմունքի գիրեկտոր Պ. Ա. Օպոլինինի գեղուցագիրը նույն ընկերության գլխավոր գիրեկցիային: СЛС Гос. исторический архив Ленинградской области, ф. 408, г. 314, №№. 97—106:

<sup>6</sup> Նույն տեղում, թ. 109:

նյաճ բնորոշմամբ հանդերձ, իսկ մինչև դրա քննարկումը պ. Եկմալյանին վերատեսչի պաշտոնից չհամարել աղատված»<sup>7</sup>։

Սակայն գործը սրանով չավարտվեց։ Մի քանի ամիս տեղ գրասենյակային քաջքուկից, Եկմալյանի դիմումների հիման վրա գլխավոր դիրեկցիայի եռակի հիշեցումներից հետո Թիֆլիսի բաժանմունքի դիրեկցիան Կ. Մ. Ալիխանովի ստորագրությամբ ներկայացնում է իր բացատրությունը (28 հոկտեմբերի 1895 թ., № 370), որի մեջ իբրև Եկմալյանի աղատման պատճառներ բերված են՝ ուսերենին չտիրապետելը, երաժշտական լսողության և ուրիշ զգացողության անբավարարությունը, որի հետևանքով, իբր, նա չի կարողանում ղեկավարել ուսումնարանի նվազախումբն ու երգչախումբը, Եկմալյանի անբավարար գեղարվեստական զարգացումը և դասատուների հետ վերաբերվելու տակտի բացակայությունը<sup>8</sup>։

Այս պատճառաբանությունն, իհարկե, լիովին հերյուրանք էր Եկմալյանի նման արվեստագետի հասցեին, որն արդեն կազմակերպել էր ներսիսյան դպրոցի հիանալի երգչախումբը և հանդես եկել հայկական պատարագի հատվածների բաղմաձայն կատարմամբ՝ դառնալով ամբողջ հայության (և ոչ միայն հայության) հետաքրքրության առարկան և որը մի տարի անց հրատարակեց իր մշակած պատարագը՝ արժանանալով Պետերբուրգի կոնսերվատորիայի գեղարվեստական խորհրդի և Պալատական կապելլայի խորհրդի դրական գնահատականներին։ Երաժշտական ընկերության Թիֆլիսի բաժանմունքի նոր ղեկավարության թշնամական կիրքը քողարկելու նպատակն է հետապնդել գրեթե երկու տարի հետո գրված և Ալիխանովի ստորագրությամբ հաստատված այս «պատճառաբանությունը»՝ որպես Եկմալյանի աղատման հիմնավորում։

Թե որքանով են ճիշտ Եկմալյանի վրա բարդված այս մեղադրանքները և որքանով են դրանք համապատասխանում իրականությանը, կարելի է տեսնել Թիֆլիսի երաժշտական ուսումնառանի մի այլ դասատուի, հայտնի օպերային երգիչ, պրոֆ. Ֆ. Պ. Կոմիսարովիցիի դիմումից՝ ուղղված Ռուսական երաժշտական ընկերության գլխավոր դիրեկցիային, դասատու, որի հետ կրկնվեց նույնը, ինչ մի տարի առաջ տեղի էր ունեցել Եկմալյանի հետ։

Պրոֆ. Կոմիսարովիցիի դիմումի մեջ նախ նկարագրվում է այն քառսը, որ տիրել է Թիֆլիսի բաժանմունքում Ի. Ն. Փիթոևի և Իսկուխտով-Վիվանովի հետևանալուց հետո՝ «Ուսումնարանի համար, — գրում է նա, — սկսեցին տխուր օրեր՝ արտահայտվելով ինտրիգների, սադրանքների, դիրեկցիայի կողմից դասատուների նկատմամբ սխալ վերաբերմունքի ձևով՝ անբարենպաստ կերպով ազդելով ուսումնարանի գիտա-դաստիարակչական ուղղության վրա։ Նման քառսի առաջին զոհը դարձավ դիրեկտորի պարտականությունները կատարող, ուսումնարանի տեսուչ պ. Եկմալյանը՝ գործունյա, ազնիվ մի մարդ, ունի բնականորեն ծառայում էր գործին և ուսումնարանի գիտական շահերին, քստ հարկին կատարում էր իր պարտականությունները, բայց միջոցներով պահպանելով ուսումնարանի համբավը։ Ապացուցելով խախտված կարգապահության վնասակարությունը, պաշտպանելով գեղարվեստական խորհրդի և նրա որոշումների նշանակությունը, անընդհատ մատնանշելով անհրաժեշտությունը

<sup>7</sup> Նույն տեղում, ֆոնդ 408, նկարագր. 1, դ. 294, «Журналы заседаний Глазной дирекции ИРМО», №№. 63—66։

<sup>8</sup> Տե՛ս նույն տեղում, ֆ. 408, դ. 314, №№. 120—121։



գիտական ծրագրերի, առանց որոնց անհնար է հասնել ճիշտ ու սիստեմատիկ դասավանդման, հետեւապես և ցանկալի գիտական արդյունքների, հոգ տանելով այն մասին, որպեսզի ճիշտ հարաբերություններ ստեղծվեն դիրեկցիայի կողմից՝ դասատուների նկատմամբ, իսկ վերջիններիս կողմից՝ աշակերտների նկատմամբ, անընդհատ հիշեցնելով և պահանջելով դասատուներից՝ կանոնավոր կերպով հաճախել դասարանները և ունենալ արժանավայել վերաբերմունք աշակերտների նկատմամբ, ինչպես և աշակերտներից՝ ունենալ տանելի վարք դասարաններում և խստորեն կատարել կանոնադրությունը և ուսումնարանական հրահանգը: Իր անկաշառ անկողմնապահությամբ, խստությամբ և էներգիայով պ. Եկմալյանն իր դեմ հանեց ինչպես դիրեկցիային, այնպես էլ ամբողջ ուսումնարանը և դառնալով վիճաբանության ու ինտրիգների զոհ: Դիրեկցիայի անընդհատ հանդիպելով նրա բողոքներին, ինչպես կատարված անկարգությունների, նույնպես և անձնական դործողությունների կապակցությամբ, որոնք հանդիսանում էին դրանց գլխավոր պատճառները, դիմեց ձեռման միջոցի, որն աբսուրդալիստիկ նրա հետ կնքված պայմանագրի ապօրինի խախտման մեջ: Պ. Եկմալյանի, այդ կրթված ու կայուն գործչի նկատմամբ տեղի ունեցած անարդարությունն ինձ համոզեց, որ նման դեպք կարող է կրկնվել այս հիմնարկում ծառայող յուրաքանչյուրի հետ, որն իր գործին ազնվորեն է վերաբերվում, և իմ մեջ միտք հղացավ թողնել ուսումնարանը: Ինձ ետ պահեց միայն այն, որ ես կաշկանդված էի երեք տարվա պայմանագրով և դրա խախտման դեպքում պիտի պատասխանեի երկու հազար ռուբլու վճարումով<sup>9</sup>:

Պր. ֆ. Կոմիսարժևսկու դիմումի այս հատվածը շատ բան է պարզում ինչպես Ռուսական կայսերական երաժշտական ընկերության Թիֆլիսի բաժանմունքում և ուսումնարանում տիրող ընդհանուր մթնոլորտի, այնպես էլ հատկապես Եկմալյանի՝ որպես երաժշտական մասնագետի ու գործչի բնութագրության տեսակետից: Եթե այս բնութագիրը համեմատելու լինենք Կ. Մ. Ալիխանովի ստորագրությամբ գլխավոր դիրեկցիային ուղղված գրության մեջ նույն Եկմալյանի վերաբերյալ տրված բնութագրության հետ, ապա միանգամայն պարզ կդառնա վերջինիս ամբողջ միտումնավորությունը: Պարզ է, որ Թիֆլիսի բաժանմունքի նոր դիրեկցիայի հանձին Ալիխանովի իրագործելով իր մտադրությունը՝ վրեժ լուծել Եկմալյանից, ըստ էության քողարկվել է սարքովի այդ բնութագրով և Եկմալյանի հետ կնքված պայմանագրի 6-րդ կետով: Իսկ գլխավոր դիրեկցիայի ճիշտ կերպով հասկանալով գործի էությունը և վերը մեջբերված ոլորտում Եկմալյանի հեռացումը փաստորեն չհիմնավորված համարելով հանդերձ, հետագայում ղեկավարվել է ձևական հանգամանքներով և Թիֆլիսի բաժանմունքի դիրեկցիայի այդ անարդարացի որոշումը թողել է ուժի մեջ: Այդ երևում է գլխավոր դիրեկցիայի 1896 թ. հունվարի 26-ի նիստի արձանագրությունից, որի մեջ Եկմալյանի դիմումի վերջնական քննարկման վերաբերյալ հանված է հետևյալ աշարու և բյուրոկրատական որոշումը:

«Առանց պ. Եկմալյանի ազատման պատճառներին անդրադառնալու, նրկատի բռնեցալով (Թիֆլիսի բաժանմունքի) դիրեկցիայի ներկայացրած բացատրականը, գտնել, որ նա գործել է կանոնադրության և պայմանագրի սահմաններում»<sup>10</sup>:

<sup>9</sup> Նույն տեղում, ֆ. 408, գ. 314, թ. 129—130:

<sup>10</sup> Նույն տեղում, ֆ. 408, նկարագր. 1, գ. 294, թ. 76:

Տարիներ տեղի քաղաքական հետո Եկմալյանի համար բարոյական խոշոր նշանակություն ունեցող և նրան մեծապես մտահոգող այդ գործը, ինչպես տեսանք, ունեցավ իր համար բոլորովին անսպասելի վախճան: Դա, անկասկած, խոր հիասթափություն պատճառեց Եկմալյանին և ազդեց նրա հոգեկան աշխարհի վրա: Գլխավոր դիրեկցիայի առաջին որոշումից հետո նա չէր կարող մտածել, որ գործն այդպիսի ընթացք կստանա և կավարտվի այդքան ձեականորեն: Ըստ երևույթին գործի նման վախճանը նախապատրաստվել էր Թիֆլիսի բաժանմունքի նշանակած լիազոր ներկայացուցչի կողմից, որն իրավաբան լինելով, առաջ էր քաշել գործի իրավական հանգամանքները և զլխավոր դիրեկցիայի ուղադրությունը հեռացրել էր գործն ըստ էության, Եկմալյանի ազատման բուն պատճառների տեսակետից քննարկելուց:

Այսպիսով, Եկմալյանն ընդամենը մեկ ուսումնական տարի աշխատեց Թիֆլիսի երաժշտական ուսումնարանում և իր կամքին հակառակ ստիպված էր հեռանալ: Նա շատ լավ և մոտիկից գիտեր այդ ուսումնարանում տիրող դրությունը: Եվ երբ 1895 թ. աշնանը Թիֆլիս եկավ Կոմիտասը՝ ցանկություն հայտնելով այնտեղ ընդունվել սովորելու, Եկմալյանը հասկանալի պատճառներով նրան ետ պահեց այդ մտքից, համոզված կերպով պնդելով, որ նա այնտեղ սովորելու ոչինչ չունի: Ինքն էլ հանձն առավ նախապատրաստել նրան կոնսերվատորիայի ընդունելության քննություններին:

Կարճատև եղավ, ընդամենը մեկ տարի տևեց Եկմալյանի աշխատանքը նաև «Թիֆլիսի երաժշտասերների խմբակում», ուր նա ստանձնել էր երգչախմբի դիրիժորի պաշտոնը:

Երաժշտական լայն գործունեություն ծավալելու այս անհաջող փորձերից հիասթափված և խորապես դառնացած, Եկմալյանը դառնում է ավելի ինքնամփոփ և Ներսիսյան դպրոցում իր պարտականությունները կատարելուց բացի զբաղվում է միայն ստեղծագործական աշխատանքով: «Պատարագի» տպագրությունից հետո նա իր ուղադրությունը կենտրոնացնում է հայ ժողովրդական և ազգային-հայրենասիրական երգերի մշակման, ինչպես և հայ բանաստեղծների խոսքերով նոր խմբերգեր և մեներգեր, դաշնամուրային պիեսներ և այլ գործեր ստեղծելու վրա:

Սակայն ի լրումն այն ամենի, ինչ արդեն տեղի էր ունեցել Եկմալյանի հետ Ներսիսյան դպրոցում ևս, ըստ երևույթին իր ներկայությունը հետևանքով, նրա շուրջն ստեղծվում է անառողջ մթնոլորտ: Ինքը խուսափում է մտերմական հանդիպումներից, դառնում ավելի ներփակված ու մտածկոտ և վարում մեկուսացված կյանք: Նախկին ընկերներից ու պաշտոնակիցներից շատերը հետզհետե հեռանում են նրանից: Այդ մասին է վկայում Ներսիսյան դպրոցի 1893—1904 թթ. հոգաբարձական դիվանի գործավար Ռուբեն Մելիք-Աղամյանի նամակը «Տարագի» խմբագրությանը<sup>11</sup>:

Նման վերաբերմունքը, իհարկե, չէր կարող չազդել նրբազգաց արվեստագետի հոգու վրա, չդառնացնել նրան: Արվեստագետի նուրբ հոգին չգիմացավ:

Թիֆլիսի, Օդեսայի, Խարկովի հոգեբույժները գտան, որ նրա հիվանդությունն անբուժելի է: Օղափոխությունը հայրենի Վաղարշապատում նույնպես

<sup>11</sup> Տե՛ս «Տարագ», Թիֆլիս, 1905, № 9, էջ 118:



օգուտ չբերեց, և երկու տարվա տանջանքներից հետո, 1905 թ. մարտի 6-ին, նա կնքեց իր մահկանացուն՝ իր հետ տանելով ստեղծագործական բազում մտահղացումներ և հարազատ ժողովրդին թողնելով այնպիսի ստեղծագործություններ, որոնք այսօր էլ իրենց արժանավոր տեղն են գրավում հայ դասական երաժշտության գանձարանում:

#### МАКАР ЕКМАЛЯН В ТИФЛИССКОМ МУЗЫКАЛЬНОМ УЧИЛИЩЕ

Доктор искусствоведения М. О. МУРАДЯН

##### (Резюме)

Научная биография известного армянского композитора Макара Екмаляна еще не создана. Причиной этого — недостаточность фактического материала. Многие вопросы остаются неизученными. К числу их принадлежит и вопрос о работе Екмаляна в Тифлисском музыкальном училище, продолжавшейся всего один учебный год (1893—1894).

В статье приводятся интересные архивные данные, относящиеся к указанному периоду жизни Екмаляна.